


La Marcho di rèi

Joseph-François Domergue (1691-1729)

sur l'air de La Marche de Turenne

♩ = 104 **Allegro deciso - Tempo di Marcia**



Do m Sol Do m Sol Fa m Sol Fa m Sol Fa m

ff De ma-tin, Ai res-coun-tra lou trin De tres grand rèi qu'a-na-von en vou-ia-ge;

Do m Sol Do m Sol Fa m Sol Fa m Do m Sol Do m

De ma-tin, Ai res-coun-tra lou trin De tres grand rèi des-sus lou grand ca-min.

Sol Do m Sol Do m Fa m Sol Do m Sol Fa m Do m Sol

Ai vist d'a-bord De gar-do corp, De gènt ar-ma em' u-no trou-po de pa-gè;

Sol Do m Sol Do m Fa m Do m Fa m Do m Sol Do m

Ai vist d'a-bord De gar-do cors, Touti dau-ra des-sus si jus-to corp.

2 Li drapèu,
 Qu'èron segur fort bèu,
 I ventoulé servien de badinage;
 Li camèu
 Qu'èron segur fort bèu,
 Pourtavon de bijou touti nouvèu;
 E li tambour,
 Pèr faire ounour,
 De tèms en tèms fasien brusi soun tapage;
 E li tambour,
 Pèr faire ounour,
 Batien la marcho chascun à soun tour.

3 Dins un char,
 Daura de touto part,
 Vesias li Rèi moudèste coume d'ange;
 Dins un char,
 Daura de touto part,
 Vesias bria de riche-z-estandard;
 Ausias d'auboues,
 De bèlli voues
 Que de moun Dièu publiavon li louange;
 Ausias d'auboues,
 De bèlli voues
 Que disien d'er d'un amirable choues.

4 Esbahi,
 D'entèndre acò d'aqui,
 Me siéu renja pèr vèire l'equipage;
 Esbahi,
 D'entèndre acò d'aqui,
 De luèn en luèn li-z-ai toujou suivi;
 L'astre brian
 Qu'èro davan,
 Servié de guido, e menavo li tres mage;
 L'astre brian
 Qu'èro davan,
 S'arrestè net quand fuguè vers l'enfant.

5 Intron pièi
Per adoura soun Rèi
A dous ginoun coumençon sa priero;
Intron pièi
Per adoura soun Rèi
E recounèisse sa divino lèi.
Gaspard d'abord
Presènto l'or,
E di: moun Diéu, sias lou soulé Rèi de glòri;
Gaspard d'abord
Presènto l'or
E dis pertout que vèn cassa la Mort.

6 Per presèn
Melchior ôufro l'encèn,
En ié disen : Sias lou Diéu di-z-armado;
Per presè
Melchior ôufro l'encèn,
Disen : Sias Rei, et sias Diéu tout ensen,
La paureta,
L'umulita
De voste amour nin soun li provo assurado;
La paureta,
L'umulita
N'empachon pas vosto Divinita.

7 Quant a iéu,
N'en plour, moun bon Diéu !
En sangloutant vous presènte la mirrho;
Quant a iéu,
N'en plour, moun bon Diéu !
De ié sounja siéu pu mort que viéu;
Un jour, per nous
Sus uno croux,
Coumé mourtau, fenirés nosti misèro;
Un jour per nous,
Sus uno crous
Devès mourri per lou salut de tous !

8 Aujourd'huèi,
Es adoura di Rèi,
E bateja di man de Jan-Batisto;
Aujourd'huèi,
Es adoura di Rèi,
Tout l'univer se soumés a sa lèi.
Dins un festin,
Rènd l'aigo en vin:
Aquèu miracle es segur bèn de requisto;
Dins un festin,
Rènd l'aigo en vin:
Nous manifèsto soun poudé divin